



KOMUNIKADO PA PRENSA

<i>Fecha</i>	<i>PR Minister</i>	<i>Email</i>	<i>Nr.</i>
14 Ougustus 2014	Nathalie Martina	nathalie.martina@ministervvrp.com	

MINISTER BALBORDA TA INISIÁ PROYEKTO DI INFRASTRUKTURA INDUSTRIAL I KOMERSIAL NA BRIEVENGAT

Willemstad – Awe, 14 di Ougustus 2014, Minister di Tráfiko, Transporte i Planifikashon Urbano Sr. Earl Balborda den kombinashon ku Domeinbeheer a duna inisio na un proyekto di desaroyo di tereno pa parsela komersial na Brievengat. Di e forma aki Minister Balborda ta kumpli ku su obligashon di krea kondishonnan pa stimulá empresarionan pa invertí i asina yuda stimulá desaroyo ekonómiko. Ta trata aki di trabounan pa traha infrastruktura pa e plan di parselashon pa industria na Brievengat. Ku e proyekto aki, Gobièrnu di Kòrsou ta desaroyá 8 parsela ku e meta pa establese negoshinan industrial.

Gobièrnu di Kòrsou a bai di akuerdo pa enkargá e kontratista MNO-Vervat Curaçao N.V. ku e trabounan di infrastruktura pa ku e proyekto. Un tim di kordinashon di Gobièrnu, kual ta konsistí di ekspertonan di Servisio pa Planifikashon Urbano (ROP), Servisio pa Obra Públiko (OW) i ku Domeinbeheer na kabes, ta forma un laso di trabou firme i serio pa desaroyo positivo di e proyekto.

E proyekto di desaroyo di infrastruktura pa parselanan industrial di Brievengat aki, ta duna un bista kla di e modelo kon Domeinbeheer a bini ta atendé ku su responsabilidadat pa sigui desaroyá mas parsela pa por kumpli ku e demanda ku tin bou di nos empresarionan. Ku e modelo di proyekto industrial aki, kier stimulá fishi/industria pa e hòmer chikí. E tipo di negoshinan ku lo bai bini den e proyekto aki ta; ‘koffiebranderij, bierbrouwerij, timmerfabriek, opslagloods, electra bedrijf, lasbedrijf, cafe, mufflerreparatie bedrijf’.

Domeinbeheer ta trahando riba un maneho nobo i transparente pa atendé ku parselanan komersial i industrial. Den futuro serkano, Domeinbeheer konhuntamente ku Minister Balborda lo presentá e maneho nobo kaminda lo bai tin mas parsela ku destinashon industrial i komersial.

Pueblo di Kòrsou por sigui tur e último desaroyonan di Minister Balborda di Tráfiko, Transporte i Planifikashon Urbano via di su pagina di facebook ‘Earl W. Balborda’.